



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

13. Dies Febrvarii. Impius aperiet oculos in pœna, quos clausit in culpa. D.  
Gregor. 25. Moral. c. 3.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Februar.

Tessera.

117

tes, ut putant aliqui, usque ad caelos attingere fluctus ignis, & in tremendo illo mari, innumerabiles homines dejectos. O quam vicinus es isti loco jam expresso! Notum est illud Philosophi. Navigantes tantum tribus digitis distare à morte. Non quantum distant navigantes à morte, tantum distant viventes à Regione mortis. Avesne ô peccator scire, quantum distes ab Inferno? Tantum ut si hoc momento vivere desinas, altero momento in orco ardere incipias. Totus Infernus cum toto tormentorum suorum apparatu non distat à te nisi temporis puncto. Si hic times terrorem, qui corpus mortale torquet, quam sunt timendi illi, qui animam immortalem æternum torquebunt, nam juxtà illud metrum.

*Sunt ibi tortores, serpentibus horridiores,  
Deformes, nigri, sed non ad verbera pigri.*

### 13. DIES FEBRUARII.

Impius aperiet oculos in pœna, quos clausit in culpa. *D. Gregor. 25. Moral. c. 3.*

Tene. I.  
bra.

**M**ultum conducet, ut ascendas ad Regnum cœli, descendere mente ad centrū terræ. Per Inferos pervenies ad Superos.

Sat produnt ipsa Tartari nomina, quot & qualia ibi sint supplicia. Quid est Tartarus, est locus subterraneus, situs in centro mundi, ad quem solis, lunæ, cæterorumq; astrorum lumen nunquam pertingit. Est carcer furoris, chaos desperationis, Justitiæ officina, cavea stolidorum, insensatorum receptaculū, in quo æternæ mortis rei, omnibus quæ optare possint pri-

H 3

ventur



ventur bonis, omnibus quæ formidare possint cruciantur malis. Sed sit licet hoc tartareum chaos terra, ac picea horribilium tenebrarum caligine circumfusum, nihil tamen tenebræ officient, quò minus oculos quos hic impius clausit in culpa, aperiat in pena. Quàm priusquam pateris, nunc oculos non illos crassiores corporis, sed acutiores mentis, & fidei aperias, ut illas tenebras, ne sic sis Filius tenebrarum, & illic semper tenebrio, aspicias.

II. Quamvis apud Inferos ignis sit comburens, non tamen illuminans: quia Deus relictâ vi comburendi, aufert ab illo igne vim illuminandi, supra illud: (a) *Vox Domini intercidentis flammam ignis.* Hoc est separantis illas duas proprietates, unamque sine altera relinquentis. Porro in visu damnatorum hoc mirum est, quod cum sint apud Inferos densissimæ, imò & palpabiles tenebræ, sic anima videt, & non videt, ut perinde crucietur videndo, ac non videndo. Videndo quidem, quia quidquid horrorem supplicii potest incurrere, videt apertissimè. Sic enim Job: (b) *Vident, & venient super eos terribiles:* cumque alia sciat ibi esse, quæ non videt, suspicatur & metuit, ne sint etiam graviora, quàm quæ videt, & proindè illa videre vellet, ut se suo metu liberaret. (c) *Evigilabunt in opprobrium, ut videant semper.* Id est, sicut vigiles, qui venturos observant hostes, sunt semper inquieti, si vè aliquid videant, ne quid non visum lateat, & inopinato appareat, & magis noceat. Sic miseræ damnatorum anguntur animæ: vel horrificis illis, quæ se in illa caligine spectabilia exhibent spectris, vel formidine, quæ inaspectabilia sunt aspiciendi.

III. Tu

(a) *Psal. 48. 128.* (b) *Job. 20.* (c) *Dan. 20.*



III. Tu qui hæc legis, hæc pauca cum otio expende. Medius sum inter gemina loca, inter illam quæ sursum est Jerusalem, & quæ deorsum est Babylonem. Illic audiunt Filii lucis, lux perpetua luceat eis, ibi audiunt filii tenebrarum, illos (a) *tenebrosus turbo possideat*. Illi. (b) *fulgebunt quasi splendor firmamenti*. Undè de illa civitate dicit Divina Misericordia (c) *Luce splendida fulgebis*. De altera dicit Divina Justitia. (d) *Obscurent eam tenebrae, & umbra mortis, & occupet eam caligo*. Illic Beati contemplantur eum, qui est (e) *candor lucis aeterna, & (f) qui lucem habitat inaccessibilem*. Illi verò qui (g) *sedent & in tenebris, & in umbra mortis; vinculis tenebrarum, & longa noctis compediti*: ululant in illo caliginoso spæto: (h) *Timor & tremor venerunt super me, & contexerunt me tenebrae*. Nullus illorum dicit, aut dictum est unquam, (i) *post tenebras spero lucem*. Si ergò tibi vis consultum, audi monitum, & sequere consilium D. Pauli. (k) *Abjiciamus opera tenebrarum, & induamur arma lucis*. Opera tenebrarum sunt, quibus homo fit reus perennium tenebrarum, hoc est, opera luxuriae, Iracundiae, Intemperantiae. Et illud tibi persuade certò aliquandò futurum. Sicut Deus in principio, quandò creavit cælum & terram (l) *divisit tenebras à luce*, sic in novissimo die mundi, dividet Filios tenebrarum à Filiis lucis. Ergò illius memineris,  
*Semper in aeternum nox obscurabit Avernum.*

H 4

14. DIES

(a) *Job. 3. 6.* (b) *Dan. 12. 3.* (c) *Tob. 13. 13.* (d) *Job. 3. 5.* (e) *Sap. 7. 26.* (f) *1. Tim. 6. 16.* (g) *Sap. 17. 2.* (h) *Psal. 106. 10.* (i) *Job. 17. 12.* (k) *Rom. 13. 12.* (l) *Gen. 1.*